

Mr Speaker sit web UN WOMEN, I afirmen ki vyolans kont bann madanm ek fiy, I enn bann pli gran enstigater vyolans kont drwa imen dan lemonn avek en ratio 1 dan 3 madanm.

Pour adres e elimin li, i demann plis ki reaksyon lo sa vyolans letan ki i arive ; i demann bann solisyon proaktiv e inovativ. En lakle pour sa bann solisyon I dan lenvestisman e dan lotonomizasyon bann lorganizasyon ki lit pour drwa bann madanm.

Mr Speaker, 16 zour aktivizm kont vyolans bann zanr, pe demare ozordi, e I pour terminen le 10 desanm 2023, parey tou le-zan. I ti en kanpanny ki ti konmanse par bann aktivis kot linogirasyon Women's Global Leadership Institute an 1991 e I en moman kot plizyer endividi ek lorganizasyon partou dan lemonn I servi bann stratezi lorganizasyon pour travay ver prevansyon ek eliminasyon vyolans kont bann madanm ek bann fiy.

Paralelman avek sa, pour siport sa linisyativ sosyete sivil, Sekreter Zeneral Nasyon Zini, ti an 2008, lans kanpanny UNITE by 2020 pour termin vyolans kont bann madanm, ki li osi i ganny obzerve pandan sa 16 zour aktivizm.

Son tenm pour sa lannen i "UNITE! Invest to prevent violence against women and girls" e I pe lans en lapel anver bann sitwayen pour demontre zot sipor dan bann travay ki pe ganny fer pour elimin vyolans kont bann madanm ek bann fiy par partaz bann aksyon ki zot pe pran pour kree en lemonn kot napa vyolans ki vize ver bann madanm.

Tenm sa kanpany pe osi lans en lapel pour bann gouvernman atraver lemonn pour partaz lo bann aksyon ki zot pe pran pour investir dan prevansyon vyolans kont bann zanr.

UNWomen i fer resorti ki si tandans aktyel i kontinyen, plis ki 340 milyon fanm ek fiy, ki reprezant 8 pousan popilasyon mondyal feminen pour viv dan lapovrete ekstrenm par lannen 2020.

Distenksyon ant bann zanr dan bann pozisyon pouvwar ek leadership I kontinyelman persiste, e si progres I kontiny lo sa lavites, i pour pran ankor 286 lannen pour ariv ver legalite bann zanr dan lavi piblik.

San bann lenvestisman anbisye pour anplifye bann program prevansyon ek bann polisi efektiv, ensi ki dan provizyon bann servis sipor pour sdres vyolans kont bann madanm ek bann fiy, bokou pei pour fail pour elimin vyolans kont bann zanr par lannen 2030.

Malgré ki i annan en bezwen irzan pour fer legalite bann zanr en sikse, lenformasyon lo ki kantite zefor ki pe ganny investir pour netraliz e anpes vyolans kont bann fanm ek ban fiy i reste touzour limite.

I enportan pour bann madanm ek bann fiy konnen kote e kimannyer zot kapab ganny akse ek led. Dan sa ka, mon pe demann avek bann lazans ek lotorite konsernen ki travay dan direksyon pour garanti ki bann madanm ek fiy, oubyen okenn dimoun ki pe fer avek okenn form vyolans aköz zot zanr i vin pli pre avek bann kominote, pli spesifikman bann lotorite distrik.

Mon konnen ki departman zafer sosyal ensi ki departman lafanmiy I annan zot travay spesifik ki zot fer, me mon santi ki plis vizibilite i tre enportan akòz sa i pou permet nou bann dimoun konnen kote ki zot pou ganny akse ek servis.

Ashok Kumar, en motivational speaker sorti Sri Lanka ti dir

« Gender-based violence destroys the peacefulness of families, and psychologically affects both women and children.

Engaging men to prevent violence can help to restore those relationships for a better future”.

Sa 16 zour aktivizm pou lit kont vyolans kont bann zanr i konern nou tou. I konmans avek sakenn de nou. Annou profit sa moman pou gete kimannyer nou pou advocate pou ki bann ki pli vilnerab i santi zot apresye e kapab epanwir san okenn limitasyon.

Mersi Mr Speaker.